



Äntwert vun der Madamm Gesondheetsministesch op d'parlamentaresch Fro n° 8294 vum 8. September 2023 vum honorabelen Deputéierten Här Marc Spautz.

- *Wéi vill virzäiteg Doudesfäll sinn zu Lëtzebuerg all Joer duerch Asbest verursaacht?*

D'Zuel vun der Doudesfäll déi duerch Asbest verursaacht sinn léisst sech zu Lëtzebuerg just duerch d'Unzuel vun diagnostizéierten Mésolithiomen (speziell Kriibszort) feststellen. D'International Classification of Diseases 10th Revision (ICD-10) Codes, déi vun der Gesondheidsdirektioun opgehewen ginn an déi am Kader vun den Doudesfäll am Zesammenhang mam Asbest stinn, sinn :

- C45.0 : mésothéliome de la plèvre
- C45.1 : mésothéliome du péritoine
- C45.2 : mésothéliome du péricarde
- C45.7 : mésothéliome d'autres sièges
- C45.9 : mésothéliome sans précision (de siège non précisé)
- J61 : pneumoconiose due à l'amiante et à d'autres fibres minérales
- J92.0 : plaque pleurale avec asbestose

D'Asbestose, eng Longenerkrankung, déi an den Statistiken ënnert d'Beruffskrankheet „Pneumoconiose due à l'amiante et à d'autres fibres minérales“ fällt, differenzéiert net tëschent Asbest an aneren Fiberen.

Den annexéierten Tableau : “Décés liés à l'amiante 1998-2022 au Luxembourg”, erhieft am Ganzen 129 Doudesfäll fir déi Period.

- *Wéi vill Gebaier/Wunnhaiser schätzt d'Regierung si mat Asbest verseucht?*

Dem Gesondheetsministère leien keng Donnéeën betreffend d'Unzuel vun Gebaier vir déi eventuell mat Asbest verseucht wieren.

Et sief erwähnt dass et säit 2001 verbueden ass zu Lëtzebuerg asbesthalteg Materialien ze verbauen.



- Wéi vill Verdachtsfäll vun Asbestose gouf et an de leschte 5 Joren?

Den Tableau weist d'Doudesfäll op no Joer, Résidence, Diagnose (ICD-10 Code) an Alterskategorie.

Année	Residence	Diagnostic	40-44	50-54	55-59	60-64	65-69	70-74	75-79	80-84	85-89	90-94	95+	TOTAL
1998	Résident	C45			1			2				1		4
1999	Résident	C45					2	1		2				5
	Résident	J61										1		1
2000	Résident	C45		1			1							2
2001	Non-résident	C45					1							1
	Non-résident	J61						1						1
	Résident	C45	1			1								2
2002	Résident	C45			1		1			1				3
2003	Résident	C45			2	1	1			1	2			7
2004	Résident	C45				1	1	2	1	1	1			7
2005	Résident	C45		1				3		1				5
2006	Résident	C45			1	1		1						3
2007	Résident	C45							1	1				2
2008	Résident	C45			1		1	1		2				5
2009	Résident	C45		1	1		1	3		1	1			8
2010	Non-résident	C45							1					1
	Résident	C45			1	1		2	2				1	7
2011	Résident	C45				1	2	1	1	3		1		9
2012	Résident	C45				1	1	1		1	2			6
2013	Résident	C45						1		1	1			3
2014	Résident	C45				1	1	3	1	1	1	2		10
	Résident	J61									1			1
2015	Non-résident	C45					1				1			2
	Résident	C45					1	2	2	3				8
2016	Résident	C45		1				1	1		1	2		6
2017	Résident	C45				1	2	3	1			1		8
2018	Résident	C45						4	1	3	1			9
2019	Non-résident	C45						1						1
	Résident	C45							1					1
2020	Résident	C45					2			1		1		4
2021	Non-résident	C45					1							1
	Résident	C45			1	1		1	2	1				6
2022	Résident	C45				1		3	1	1				6
TOTAL			1	4	9	11	20	37	16	25	12	9	1	145



- Geet d'Regierung dovunner aus, dass et an den nächste Joren duerch di zousätzlech energeetesch Sanéierungen bzw. Renovierungen zu méi Fäll vun Asbestose komme wäert?

An Däitschland warnt d'Industriegewerkschaft Bauen-Agrar-Umwelt (IG BAU) virdrun dass massiv Renovierungen vun ale Gebaier – ouni strikt Sécherheetsmossnamen ze huelen – zu enger Well vun Asbestkrankungen kënne féieren (an 20-30 Joer, esou laang kann et daueren bis een no enger Exposition krank gëtt). <https://igbau.de/Warnung-vor-Asbest-Welle-9-4-Mio.-wohnaeuser-in-deutschland-sind-asbest-fallen-bei-sanierung.html>

A Frankräich gëtt et säit 2015 e Plan de recherche et développement amiante (PRDA). D'Zil ass et, duerch innovativ Methoden, d'Detektioun vum Asbest ze verbesseren an, falls et Asbest an engem Haus gëtt wat renoviert soll ginn, d'Käschten esou déif wéi méiglech ze halen. A Frankräich gëtt et finanziell Hëllef fir de Propriétaire wat d'Diagnostik an och d'Aarbechten ugeet am Fall vun Asbest: [Lutte contre l'amiante | Ministères Écologie Énergie Territoires \(ecologie.gouv.fr\)](https://www.ecologie.gouv.fr/la-lutte-contre-lamiante). Dës Moosnamen sinn geholl ginn fir d'energetesch Transitoun an domat déi néideg Renovatiounen vum Bestand a sécheren Konditiounen ze fördern.

Och de Conseil européen huet zur Protektioun vun den Aarbechter eng Directive erausginn: <https://www.consilium.europa.eu/fr/press/press-releases/2023/06/27/asbestos-council-and-parliament-strike-deal-on-new-rules-protecting-workers/> (Nouvelle directive visant à renforcer la protection des travailleurs contre les risques liés à une exposition à l'amiante).

Wann Asbest fachgerecht éliminéiert oder ëmmantelt gëtt, ass de Risiko fir d'Arbechter reduzéiert.

D'Benotzen, respektiv d'Verschaffen vun all Zort vun Asbest ass hei am Land zënter 2001 komplett verbueden. Renovatiouns- oder Demolitiounsaarbechten dierfen an Haiser, déi virun 2001 gebaut gi sinn, eréischt virgeholl ginn wann den obligatoreschen Repérage vun Asbest vun engem certifiéierten Professionellen virgeholl ginn ass.

Lëtzebuerg, den 8. November 2023

D'Gesondheitsministesch
(s.) Paulette Lenert